

平度州鄉土志卷十二 水

州之水自分水嶺以西者皆西流以東者南流無東流入海者以長廣諸山為之障也登與掖皆然故大東多奇士而海上七真出焉說者謂天下萬事皆順惟風水與金丹用逆信矣

墨水河源在鐵脊西南距州城八十里出山東流十五里至東澗南流十五里至大田東南合流熬魚萊山兩目山水入小姑河

珠洞河源出大田山西南距州城六十里東流過石封澗南流過沙窩又西南受野窪石柱窪水又東過柳園又東過黃灣又東受兩目山水又東流入小姑河

雲河源在雲山南流四十里至金錢山再西南流五十里入膠河落藥河源在壺天峪西南流三十里至麻藥又西南流二十里至李傅庄又西南流三十里至膠河

現河源在摩雲頂南流二十里至七里河東南流至城東左則傅家庄郭家疃右則姜家疃尚家疃南流十里至潘家疃又西南二十里北則楊家頂子南則蓼蘭再南數里則散而伏於地

紫荆山水南下繞城西南至馬家溝再西南十五里至南庄再西南十五里過白埠又五里至三泊下

蘇村河

高望山河其源皆在大澤山西流三十里至城子再西南三十里入膠河
小清河源出張家荒西距州城三十里南過澤科西過瓦子卽南南
流過袁家西過樓子莊南至薛家營西至蘭底下泊南至分水
嶺入膠河

白沙河源出嶺岬山南距州城四十里東二十里至鞍子山口再東
南流過鷹嵐埠黃山固山再南過錢家庄再西南過雙廟地
西過卞家塔卽專溪頭再西至紀家長流庄再西過窩舖
再西至分水嶺西入膠河

秦王河源出觀山南距州城二十五里西南流過二十里堡東受黃泥
崖水西南過巧女張家陽照再西南至韓家町南流過秦王廟
西過艾家町再西南至吳家屋子龍王河自北入之過官亭南下
至白家嶺過獅子口西入膠河

龍王河源出鳳山南距州城二十五里西流過毛家庄再西至棠頭西
南過荷花屯西南至吳家屋子入秦王河

之陽河源出之萊山陽故曰之陽西流過藥石長樂又西南過城
子過前盧南過單家孔家名曰新河入於膠河

姑水源在黃縣之蹲狗山經招遠萊陽至本境之東方向七十里
朱毛南流五里至二貞台與小姑河合流

小姑水在掖縣之馬鞍山至本境之東北方向七十里之鰲來山再東
十里至黃桐再東十里至孟哥庄再西南四十里至古縣再南十里至二
貞台與姑水合流為姑河再南二十里至北村委出本境合膠州
麻灣入於海

膠水源出在諸城膠州間之鐵楸山經高密經本境之西南方向七十
里分水嶺西流四十里至三戶山又北十里至瓦廟口又北三十里至新
河又北迤西二十里至大韓家又北迤東十五里至掖縣之海倉入於海
水無源在本境而委在他境者亦無源在他境而委在本境者亦
無人力溝通之水道亦無可通舟楫者